

EDISAUN DAHULUK

Janeiru-Marsu 2017

Konteúdu:

1 Sorumutu kona-ba Integrasaun Géneru atu



Foto husi: Marino Mouzinho/UNDP

2 Florestasaun atu Hamenus Risku Dezastre



Foto husi: Marino Mouzinho/UNDP

3 Perfil hosi Projetu DARDC



Foto husi: Marino Mouzinho/UNDP

Ami haksolok tambá bele apresenta edisaun dahuluk nian hosi boletin projetu hanaran “haforsa comunidade nia reziliénsia ba dezastre tanba klima iha Dezenvolvimentu Korredór Estrada Díli-Ainaro (UNDP-DARDC)”.

Objetivu hosi boletin trimestral mak fornese informasaun beibeik no atualiza ‘*stakeholder*’ sira kona-ba projetu nia atividade sira no ninia progresu.

Projetu DARDC hetan fundus hosi GEF/LDCF no hahú ninia atividade sira iha tinan 2015.

Objetivu hosi projetu ne’e mak hasa’e reziliénsia hosi comunidade lokal sira ne’ebé moris besik dezenvolvimentu korredór estrada entre Díli no Ainaro no proteje infraestrutura ekonómika krítika sira hosi dezastre natural tanba klima liuhosi hamenus risku dezastre potensial sira no vulnerabilidade sira.

Tuir assuntu ida-ne’e, ami atu hato’o informasaun no progresu ne’ebé atinje hosi tempu hahú projetu to’o agora. Maski projetu hahú neneik, daudaun, projetu la’o di’ak atu bele atinje ninia tarjetu no objetivu sira. Meta importante sira ne’ebé projetu atinje to’o agora mak: *workshop* kona-ba integrasaun ba jéneru, florestasaun atu hamenus risku dezastre nian, no Perfil Projetu hosi DARDC.

Ami foti kompromisu atu halo publikasaun periódika kona-ba assuntu sira seluk iha edisaun trimestral sira. Ami apresia tebes Ita-Boot nia opiniaun no komentáriu sira.



Foto husi: Marino Mouzinho/UNDP



Foto husi: Marino Mouzinho/UNDP

Sorumutu kona-ba Integrasaun Jéneru atu Hari'i Reziliénsia

Díli, 25 Marsu 2017 – Feto sira sei vulnerável ba dezastre naturál maibé sira mós hanesan atór xave durante rekuperasaun hafoin dezastre ruma, nune'e sira-nia partisipasaun atu hari'i reziliénsia kuandu hasoru mudansa klimátika sei importante loos. Tuir ida-ne'e, UNDP organiza tiha ona *workshop* ida kona-ba integrasaun ba jéneru durante loron rua, hosi 23 to'o 24 Marsu 2017, atu valida rezultadu sira hosi peskiza no atu identifika medida sira atu hasa'e igualdade ba jéneru no atu promove feto sira-nia partisipasaun iha adaptasaun ba mudansa klimátika no iha inisiativa sira atu hamenus risku dezastre nian. Rezultadu no rekomendasaun sira, ne'ebé dezenvolve ho koñesimentu, esperiénsia no prátika di'ak sira ne'ebé fahe iha *workshop* ne'e, sei atu utiliza hodi dezenvolve matadalan ida ba planu asaun sira ne'ebé sensível ba jéneru iha projetu Dezenvolvimentu Korredór Estrada Díli-Ainaro (DARDC) no Infraestrutura Rurál ho Eskala Ki'ik (IREK).



Foto husi: Marino Mouzinho/UNDP



Foto husi: Marino Mouzinho/UNDP

Sra. Karabi Baruah, Konsultan Jéneru UNDP hasoru membru komunidade liuhusi Diskusaun Grupo iha Fatuk-hun-Aileu no Casa-Ainaro.

Halo análise ba jéneru bele ajuda komprende impaktu kona-ba infraestrutura ho eskala ki'ik ho reziliénsia ba klima no medida sira ba jestaun risku dezastre nian ho baze komunitária (JRDBK) iha mane no feto sira-nia meu moris, no mós atu komprende sira-nia knaar no kontribuisaun iha planu hasa'e reziliénsia ne'ebé sensível ba jéneru.

Sorumutu ida-ne'e rekoñese katak importante duni envolve *stakeholder* sira hotu atu bele identifika omisaun, risku no dezafiu sira iha lejislasaun, polítika no programa iha nível nasional no munisipál atu bele integra perspetiva ba jéneru iha planu ba dezenvolvimentu. *Workshop* ne'e mós sujere promove advokasia atu influensia ema sira responsável atu foti desizaun sira, iha nível nasional no munisipál, no mós atu sensibiliza sira atu integra perspetiva jéneru nian iha polítika, programa no planu investimentu sira.

Igualdade ba jéneru hanesan valór fundamentál liu iha Nasoins Unidas no integrasaun hosi perspetiva ba jéneru sei importante loos iha UNDP nia polítika. UNDP foti kompromisu atu haforsa integrasaun hosi jéneru iha sira-nia projetu no programa hotu.

Florestasaun atu Hamenus Risku Dezastre

Governu Timor-leste nian hamutuk Banku Mundiál investe fundus ho osan boot ba konstrusaun estrada ho 110 km hosi korredór Díli to'o Ainaro. Atividade sira ho konstrusaun hamosu risku naturál aas no dezastre antropojéniku potentiál ne'ebé bele afeta comunidade lokál barak ne'ebé moris iha korredór nia ninin.

Atu hamenus risku sira hosi dezastre naturál sira iha korredór Díli-Ainaro, Projetu DARDC parceria hamutuk ho Ministériu Agrikultura no Peskas (MAP) implementa tiha ona atividade oioin kona-ba jestaun integrada ba floresta no basia idrográfika.

Projetu ne'e iha atividade oioin, ne'ebé atividade ida importante hosi projetu mak plantasaun ai-horis iha área no rai comunidade nian ho degradasaun (estragus).

Reflorestasaun iha área sira ho degradasaun no agro-floresta iha rai comunidade nian bele proteje rai no



Ai-oan iha centru viveirus iha Hohora ki'ik-Ainaro prontu ona atu distribui iha area reflorestasaun



Area reflorestasaun hektares haat ne'ebé kuda ona ho ai-oan iha Suco Lahae, Municipio Aileu.

infraestrutura hosi dezastre naturál potenciál hanesan erosaun rai no rai halai, no mós bele kontribui atu apoia meu moris hosi comunidade lokál ne'ebé hela besik korredór, durante tempu badak no naruk.

To'o remata fulan Abril 2017, projetu kompleta ona plantasaun iha comunidade nia rai, ho ektár 16, ho espésie ai-horis nativu ne'ebé iha funsaun oioin, resistente ba dezastre naturál no ne'ebé bele proteje bee-matan lokál sira. Molok plantasaun, Ministériu Agrikultura no Peskas hala'o estudu sira kona-ba fatin apropriadu no halo konsultasaun ho comunidade lokál sira atu hili fatin plantasaun no espésie sira ne'ebé di'ak liu.

UNDP suporta nafatin MAP iha atividade sira kona-ba reflorestasaun no agro-floresta atu hamenus risku dezastre potenciál no atu hasa'e reziliénsia hosi comunidade lokál ne'ebé hela besik Dezenvolvimentu Korredór Estrada Díli-Ainaro.

“Ami haksolok ho atividade sira hosi projetu ne'e tambá bele kuda ai-horis no ami mós bele kuda modo, fehuk, banana, ne'ebé ami bele prodús ho tempu badak, enkuantu ai-horis sei fó benefísiu tan ba ami iha tempu naruk”.

Mr. Bernardino Magno, Rai-nain area reflorestasaun Casa-Ainaro



Foto husi: Marino Mouzinho/UNDP

Perfil hosi Projētu DARDC

Estrada Díli-Ainaro hanesan investimentu konjuntu entre Governu Timor-Leste nian no Banku Mundiál ho objetivu mak hadi'ak infraestrutúra estrada nian ne'ebé halo ligasaun entre Díli to'o kapitál distritu Aileu no Ainaro nian. Projētu hosi dokumentu assina entre UNDP no Ministériu Solidariedade Sosiál (MSS) iha Outubru 2014.

Propóztu hosi projētu mak proteje infraestrutúra ekonómika krítika ba dezvoltimentu umanu sustentável kuandu hasoru dezastre natural tambá klima (inundasaun, rai halai, estragus hosi anin) liuhosi polítika sira di'ak liu, haforsa instituisaun DRM lokál no ho investimentu sira ba medida sira atu hamenus risku iha Dezvoltimentu Korredór Estrada Díli-Ainaro. Projētu ne'e iha komponente tolu hodi bele atinje ninia metas:

Rezultadu 1: Autoridades Lokál ninia Koñesimentu no komprensaun kona-ba mudansa klimatika husi dezastre naturais induzidos aumenta, no komprende diak konsekuensia husi impaktu infraestrutúra ekonómia no disponível ba iha halo politika (policy makers), halo planu no pesoál tékniku.



Foto husi: Marino Mouzinho/UNDP

Eleva kapasidade funsiunario públiku kona-ba RRD, GRD no AMK, ne'ebé parseria ho MSS.

Endereço projētu:

Edefiçio : MSS-NDMD, Bemori, Dili, Timor-Leste
CTA/PM : Dr. Shyam K. Paudel
E-mail : shyam.paudel@undp.org
Telémovel : +670 7795 2899

Rezultadu 2: Instituisaun Gestão Risku de Dezastre municipios iha kapasidade atu avalia, planu orsamento no halao investimentu ba prevensaun ba risku mudansa klimatika ligadu ba infraestrutúra kritikál ekonómia no propriédade sira iha korridor dezvoltimentu Estrada Dili-Ainaro.



Foto husi: Marino Mouzinho/UNDP

Trreinamentu kona-ba mekanismu fundus komplementar ba funsiunariu municipios iha Rezultadu nia okos ne'ebe parseria ho MAE.

Rezultadu 3: Investimentu comunidade implementa atu hamenus/reduz mudansa klimatika no propriédade kritikál infraestrutúra sira ne'ebé estragus husi dezastre induzidos no ekonómia ne'ebé luan.



Foto husi: Marino Mouzinho/UNDP



Foto husi: Leonel Bere/UNDP

Reforestasaun, Agroforestal no terasaun iha rezultadu datoluk nia okos parseria ho MAF.

